

錢塘縣志卷之二十四

錢塘縣知縣南漢魏淵纂

人物 義行

周禮六行任卹等於睦嫻此義行之仿矣其類甚多然求如古人之卓卓可紀者少間有一二急人之難卹人之貧而好行其德者可不表章而稱述之歟錢塘四方之民萃居雜處其感於時會激於義理者所在多有亦足以化薄俗而砥頽風矣志義行

六朝宋

錢塘縣誌

卷之二十四 人物義行

范叔孫

性仁厚里中疾疫躬持粥藥恤療之有父子兄弟同死者數家尸經旬莫收叔孫悉備棺槨殯瘞人呼范義孝建初辟竟陵王中軍不就

梁

范元琰

字伯珪祖悅之為太學博士朝廷辟召不赴父靈瑜居父憂以毀卒元琰特童孺哀慕盡禮及長好學博通經史性謙讓不以所長驕人祖母患難嘗自含吮與人言嘗恐傷物居家不出城市雖獨居如對嚴賓見者莫不改容正色家貧惟以園蔬為業嘗出行見人盜其菘元琰遽退母問竊者為誰答曰向所以退畏其愧恥今言其名願不洩也或有涉溝盜其筍者元琰因伐木為橋以渡之自是盜者大慚一郡無復草竊齊建武二年召為安北參軍不赴沛國劉獻深加器異嘗表稱之梁天監九年縣令管慧辨王言義行揚州刺史臨川王宏辟召辭不至十年王拜表薦未召卒

五代

褚雅 字元道梁末隱居於茅山重施輕財拯物無厭營田既獲以予貧者與人共居常旦起灑掃取木編以周給貧薪之人夏日種瓜恣人來取當時行暑道無暍者人或以為為難而元道行之終身如一日也

宋

葉杲卿 名曙避英宗諱以字行生而穎拔凡三試開封率高等嘗試御前恩授鄭州長史司法桂州卒贈太子中允杲卿在桂有吳謚為象州武化令而死其妻孳二女歸闕而妻又死杲卿為置地合窆之哀其二女之無歸也娶以為二子婦家故饒財諸弟用之殆盡乃求異籍杲卿喟然曰家至此由吾祿薄不足以聚親族汝曹何咎弟聞而慙沮復合如初師事林逋天禧末錢塘有巨石浮江太守問逋逋以問杲卿杲卿乃按樵子五行志以應曰其當在萬乘乎未幾真宗上仙於是人服杲卿多聞而始知樵子為奇

錢塘縣誌

卷之二十四

人物 義行

二

書二子昌言昌齡同年進士第昌言秘書丞昌齡屯田員外郎皆以學行政術知名

元

夏應祥 元置行諸路金玉總管府於杭治百工之事祥用薦為其府大使陞軍器局提舉司提舉尋修疾去為人端重詳慎處鄉黨謙抑自持不嗜烹宰末嘗以口腹傷物命素習岐黃氏書多市珍藥分施貧者錢塘地大物眾凡需藥劑者必集夏氏之門年七十二卒

明

柴望 字宗禮性樸茂喜行義事有友金觀括蒼人隨父宦遊錢塘因家焉後舉進士為學官貧不能葬母望經紀其喪觀竟以哀毀成疾卒妻亦相繼歿望哀曰吾友不幸至是且其子弱三喪在前吾責也乃捐家貲為治喪事人稱其義

章一桂

字孟芳少為諸生有文名家故饒於貲而弟一

自若曾無幾微之色拂慈母心嘗出野拾遺金立待

至暮有倉皇慟哭來者問之曰某逋欠官糧不得已

鬻女以償頃且遺却休矣吾將往沉於河一桂乃出

諸袖而還其人叩問姓名不答初假館鄰園主人老

無子遺妾夜奔一桂正色拒之後竟裹足不往臨歿

時執孤士斐子曰吾不幸早世然累世忠厚後必有

與者汝善承之吾目且瞑矣卒年三十八繼室高苦

節五十四年子士斐纔十歲零丁孤露竟成大儒

徐江山

中正德辛巳科進士官尚寶卿工真草世宗愛

耿直敢言夏言與曾銑受禍無敢白其寃者江山首

上疏申救陶仲文段朝用以方術得幸江山立辨其

奸雖數觸上怒然心知其不阿勿為罪又馮恩繫獄

中子行可刺血寫疏自縛闕下江山力贊通政為引

奏得末減其激於義理如此

錢塘縣誌

卷之二十四

人物義行

三

錢科

郡明經家世素封敦行尚義嘉靖間連歲洊饑當

事設法勸賑入粟五十石者附學入監時科已出

貢捐賑獨多不下百倍巡按舒汀提學孔天引特請

照景泰例已剋帶者陞其級授正六品職不支俸科

又自設粥廠拯濟里民所居近渡船埠後架木橋徑

曲險濶多溺者科特闢所居屋直衢達河且甃石為

大橋行者德之稱為南橋以別橫河東西二橋科

後遂以南橋為號更名其橋曰萬安至今利焉

歸漢

字源之富而好義前仁錢兩邑額辦馬價計每丁

出銀二錢有奇貧氓困甚漢陳牒臺司請均之各

邑奔走經營罔恤勞費嘉靖癸巳郡守姜志德遂議

丁祇徵銀一分七釐九邑通共無贏縮民省重賦皆

漢德也

徐季韶

字鹿園天性孝友平生陰行善事戊辰海嘯漂

沒數十萬家隔江浮棺以數百計韶斥肥田數

十畝瘞埋之辛巳歲大稔沿塘設粥賑十五所日費

米三十斛新穀升始罷又開藥局救瘟疫有活不可

記數遠近
至今德之

陳昱

西壁人以兩邑僉報總甲之役擾民陳牒分巡康朗康下之邑時邑令程良龔雲從議覈戶貧富定

為上中下法多寡徵銀
僱募充役肯稱便焉

丁仕卿

上虞人寓杭為東里坊之社教讀見會城之民憊於夫役亦投牒當路謂官夫百七十名足備

撥遣夜巡之役既戶出間架錢以召募總甲火夫而復差及保甲俾民財力兩敝請俱罷免事下諸司議徼巡員役以不便其私許仕卿撓亂成法聽者不察嚴行桎梏回越仕卿必遂夙志萬曆二年仍來杭陳請再下二邑議咸是之自是前兩役悉就捐除仕卿慮歲久法弛更陳牒督撫徐栻樹石垂遠民獲安生

沈希渭

杭城獨有間架銀每地一畝作二十間又科稅一錢零民困不堪希渭呈請依地起科缺額銀

派通縣督撫張佳引
奏聞報可民省重賦

錢塘縣誌

卷之二十四

人物義行

四

傅昇

號竹亭由歲薦仕益府典寶司素長者與淮海馬試善試任天台攜妾與俱不為嫡所容謂昇曰有

妾當遣念其性頗柔慧不欲歸俗子請以贈公昇辭之再三不得時昇姐以瞽故不字人囑與同寢處者三年未嘗謀面後試妻死昇告以故使重合遂舉三子胡給諫初麟以言事謫其子貯千金其家去而溺於湖已數年矣後給諫過訪昇出所貯還之封識宛然有台人以株累得罪者發城且稔知昇長者遺囊金寄之事急不告姓名去達罪所即物故昇無可還以其金力行善事濟人向寺觀中書其事題曰武陵驛徒遺助云應中丞有却妾還金傳

吳憲

性謹厚而喜義舉初徽商子弟不得與試杭州憲力請於巡鹽上疏報可乃立商籍得入泮於府仁

錢三學如民籍之數子四人
胞摯誠樸俱壽至九十餘

吳元良

字子臣弱冠補邑博士弟子負性豪邁樂施以節俠自喜善詩文工書法不耐治坐客至顧囊

有一錢亦留飲父歿遺券數十紙計貲數千餘緡元
良悉召其人授之多有固却者元良勉之曰無庸俟
若盈時割餘以佐我酒貲不後也皆感謝去有不知
其家者持造市中焚之語市人曰願傳語鄉閭有負
杭吳長公債者吾已焚券無煩歸直也時華亭徐相
公階督學兩浙獨高元良奇士厚禮之既去時時寄
書問吳長公無恙否而元良裁謝外
一不涉干請亦未嘗以此矜於人

國朝

關大生

字玉門九歲而孤事母霍孝家中落遂棄去舉
子業不階尺寸累致千金性任俠旋積旋散親
黨多賴以舉火里中貧兒負急債欲售其妻輒代償
使復完聚有患瞽者力不能治已去為丐延至家療
之目復明寒冬大雪親煮粥分給全活饑者無算姻
戚賢者歲時遺贈不絕居常手書誡子謂功名科第
亦學人分內事但須楷模聖賢立身忠孝為可傳可
法之人斯足重耳大生卒元配王稱未亡人者四十

錢塘縣誌

卷之二十四

人物 義行

五

年婚嫁子女具有禮法子鍵成進
士即謝病還家三十年堅卧不出

陳幼學

邑庠生崇禎壬午歲貢謁選得徽州績溪知縣
國朝丙戌又署順昌教諭值海寇侵順昌幼
學嬰城拒守以無援城陷後援師始至時民人離竄
我師日為士寇將殲之幼學力請主將曰此順昌赤
子也幸勿加害遂下令勿殺得保全者無數父堯謨
事親最孝嘗拾遺金於道守而還之遇女子於途知
其迷失訪
其家歸之

章革

字素先邑諸生嘗割股療親分資以給兄弟子尤
慨慷尚義 國初大兵臨會城顧令咸建死之人
莫有殮者革同郡諸生許昭遠毅請其首捐貲禮殯
後其子來奔喪復贈賻衣編素送之郊外又嘗倡贖
難婦設義塾
士林多之

許孝恭

名昭遠明侍御史三省曾孫以清白吏子孫操
行高邁喜讀書尚氣節 皇朝定鼎之初錢塘

令顧諱咸建以節死懸其首於鎮海樓下昭遠借其
清正愛民獨為力請於貝勒王許其殮而歸之士大
夫咸高其義昭遠事親孝母郭氏疾其甚哀瘡天因
剖股和藥以進疾稍痊復病竟不起昭遠爰泣哀
遂喪其明妻盧氏尤善事舅姑里人咸稱之
日雙孝後紳士呈請學院姜雙祀旌德云

沈穆

字旦及自吳興徙錢塘穆為人深沉有經世畧早
為高才生屢踏省門不見收一沈漳平司訓遂棄
去穆素受業於吳太冲太冲為他事牽連騎者至門
逮其弟太淳穆慨然曰吾師坦中無他賜奈何波及
其弟乃匿淳他所而自假淳名質對即得白已乃遊
燕薊楚豫閩粵諸大吏皆以聘迎之性慷慨周人之
急不啻如已事嘗棄數千金不
顧子五人仲子自圻已酉舉人

吳璠

字子璠父憲疾革璠剖股進後母喪泣血三年目
為失明性尤好義康熙甲寅值閩變隣郡子女多
被俘掠璠傾家請贖完其父子夫婦者幾千人又杭
城四方雜處多流亡無殞者璠創悲智社釀金以殮

錢塘縣誌

卷之二十四

人物義行

六

歲率為常臺使者歷旌
其門年九十三以壽終

汪士媚

字仲脩邑諸生康熙甲寅耿逆之變獻平閩入
策和碩康親王留侍軍中受職同知乙卯夏
恢復永康縉雲被掠子女悲聲載道媚具啟於王情
詞懇切王允其請悉遣歸是年九月王偕往閩為逆
黨曾養性所執罵賊死義聲大振先是媚兄士巖令
海澄浦課巡按具題禍且不測媚挺身代償當事者
嘉其義釋之四十二年巡
撫張泰交准請崇祀鄉賢

裘倣誠

號靜汴事親從兄孝友兼至母歿結素幔於柩
側寢處三年題曰永思廬伯兄早逝撫其遺孤
至成立人有急難到門即素不相識竭力援拯積逋
數萬緡即焚券不責報尤厚恤親族凡鰥寡困乏者
歲計所需給之其他行藥治病掩骼埋齒垂四十年
無稍倦晚年留心養生家言年至大耋見齒復生以
長子克美貴封
御史崇祀鄉賢

錢士璉

字奇玉郡諸生嘗遊學東甌值山寇竄海氛未靖璉佐掾幕出奇計定之浙東諸郡賴以安

堵又嘗勸禁俘掠出株連人愆其義當事欲疏薦不受黃冠野服日徜徉湖山間年八十七壽終以子驊

累贈驃騎將軍孫彥達成進士

吳炳

字睿思四歲母病不食炳號啼亦不食家人百計誘之卒不食及母病稍瘥進一食炳始跳躍狀蓐

間弄母乳且悲且喜一時競傳為異及長負至性家遭誣炳奮身庭辨蕭中丞避之遂得解又嘗上范中

丞七郡水利書萬餘言及代償膠民張佛鬻妻金皆義舉也子觀域中康熙己丑進士

吳維烈

字期安六歲而孤家貧事節母汪克盡孝道以率勤起家雖稍致豐厚不忘儒素一以淳樸訓

其子孫尤樂善見義勇為河陽趙公撫浙開城河以利商民維烈急公首捐數百金協助又捐建橋梁以

便行旅他若周郵嫗族給人婚喪尤指不勝屈邑令重其賢嘗禮延賓飲年七十壽終子三人以長子琮

錢塘縣誌

卷之二十四

人物義行

七

刑部員外封如其官次子琛字彥瑜少負儁才七試棘闈不就遂淡於進取生平慷慨遇人緩急不靳傾

囊歲饑輒輸粟拯濟又廣設粥廠一時多賴其全活尤知人樂成就寒賸如沈進士某者皆未第時所獎

識也晚年陶情觴咏著有瑤圃詩草子七人長元斌宰潛江初封文林郎次元錦復佐郡河南晉奉政大夫

戴有怡

字仲和郡司馬一美之子也慷慨好義喜行善事國初存饑捐貲周濟全活甚眾人咸欽之

凌克閻

字步騫七歲喪父痛母茶苦奮志服勞以色養會兵燹遇有孤嫠失所者厚卹之後罹火

室廬蕩燼猶日拯卹同災年六十嘗自為壽詞有口澹泊素乘勿耽歌舞食取其飫何必飭饘衣取其適

何必楚楚恤其匱乏胡分爾汝資其嫁娶曰予是主拂逆之來理以自矩蓋實錄也子紹乾中已卯副榜

葉日章

字子山邑諸生善屬文家貧日無宿儲敗絮為衣

津章與俱為課其子俄趙以暴疾卒子尚幼章為粥飯含兼營護後事區畫其任內未完及錢穀出入盈

縮悉并非無欺上官重其義為遺吏衛趙喪歸章仍教其子成長始告去章死時無子有五女章皆擇嫁能文士有汪楷者中戊子鄉試

陳潢字天一少任俠抱經濟才文襄靳公總督河工知潢可大用委以河務凡河隄衝決及興築方畧俱有成算疾風猛雨之時潢獨駕輕舸深冒不測水之淺深時之盈涸瞭然若指掌時方開運河以濟漕艘潢為建閘築堤刻期而成疏聞

特授河道文襄將欲舉以自代會潢卒乃已其所著治河策深悉機宜惜乎不傳潢喜與名士交性慷慨一言投契揮手千金勿吝至今受恩者語及潢每為流涕

胡法遠字士宏性樂善嘗施粥賑囚康熙八年間與朱四百畝合前錢嚴二紳施田共五百畝名曰監田歲入田租除正供外日施擔粥於司府縣監煮粥於甘泉菴舉僧董役而遠等每歲彙冊申核三年則檄報換僧又力贊劉總制檄虎林書院傍租三十九兩零

錢塘縣誌

卷之二十四

人物義行

八

充奏條糧後復奉張巡撫批准存案至今遠子榮九孫本繼志司事奉行勿替

姚殿岳字鎮公明季世有軍職後復徵授不就隱居教陸塔嘗贈以詩曰知君失偶在強年守義何曾再續

綽淡淡胸懷爭似水稜稜風骨宛如仙邑乘有光應致美世風增重競稱賢芳規留待輜軒採佇看恩褒出九天

俞世贊河南僉事森之父也為人孝友慷慨重信義繼父常被酒墮水贊投身急流中拯之出又嘗捐

金以濟遠商撫孤以恤好友

丘文煜字元矩年十四食餼積三十四載充康熙丁丑

建大成殿後又請於巡撫趙士麟復捐建明倫堂嘗路拾重貲還人及表姑貞節義行甚夥事父應昌備極孝養父入旬目忽雙瞽文煜朝夕籲天得神醫復明有還睛錄傳世

鮑彩 字素庵天性慕義年甫二十七喪耦矢志不娶教子成立壽逾耆艾獨居鰥室家雖壁立樂善好施

朱恒孚 字子鶴年十四封左臂以療父疾明季歲歉嘗至老嘗推宅讓兄又嘗仿蘇氏族譜范氏祭田立省墓法儀文器具織悉必周顧侍御豹文特為文以表

其事

汪燦 字且質其先新安人從祖徙錢塘遂為錢塘人為人慷慨好義言信行果已諾必誠有季心劇孟之

風與戶部侍郎嚴沆御史顧豹文為布衣之友多遊公卿大夫間所至人爭重之課其子會垣讀書必延名師常以厚幣重贄聘章士斐士斐雅不欲往託以先受人舍館矣燦致敬盡禮不少衰凡二年士斐始就主賓師弟間驩相得也其從弟某好博博輒負而所負多旗人一日就燦飲酒半語燦曰弟苦負營債不能償今書兄券為弟代償矣燦信之不疑又數年從弟出亡旗人乃率其黨若干人拔刀直入燦室欲

錢塘縣誌

卷之二十四

人物義行

九

據其屋燦始驚顧度不能爭遂舍之會巡撫趙士麟下車廉得其情令於軍門曰本院親訪得旗廝周某白占汪燦屋一所值萬金本人畏懼不敢控告於是燦始具詞旗人猶執券爭之賴中丞得白然燦終以從弟之故割其牛予之而弗責也燦家竟中落子會垣三仕為知縣所至皆有聲去後人多思之以卓異薦授山西絳州知州今為四川真安州知州云

徐陸 字文安邑諸生博學有至行精於數術力行善事尤急人患難注太上感應諸書刊行之子天

任字大士杭郡諸生善屬文每試必冠軍為學使者所賞識食餼於庠性醇謹與人交有終始一時賢士大夫皆稱為東南人士冠冕

方擢 字書升少孤事母田及祖母余克盡孝養性嗜書工文章詩宗王孟古文在昌黎廬陵之間弱冠即

有聲庠序既而貢入成均四方學士大夫聞擢名爭相結納而擢頗以經濟自負不屑屑於章句初先世

嘗業鹽故擢於甞政利弊洞悉毫末康熙三十八年
春 舉華南幸擢率眾具疏請蠲加增鹽課六萬三
千有奇

名擢前溫問良久竟可其奏其他抱負種種未竟其用
處以疾卒

王耀

字玉章幼善屬文讀書攻苦歲時不輟年十四為
錢塘諸生蜚聲賢序屢困場屋遂嘆曰功名固有
命耶立身當以德為本也其事父行可極孝過庭之
訓嚴以肅耀能愉婉受之行可好善樂施與耀必承
其志而廣之迨父卒哀瘁盡禮以終其喪處兄弟間
怡怡敬愛生五子兄卒無後以長子為其後教諸子
以義方各授之業且以讀書為善為祖訓汝曹當勉
之康熙

年 詔求賢良於山林隱逸間紳士欲以耀舉之中丞某公已
繕詞耀覺通謝諸紳士曰耀方將致衣頂優游泉石
以終餘年諸公何窘我為性好讀史雖大寒暑未嘗
釋卷年七十日昏不能視必令子若孫一人侍側凡

錢塘縣誌

卷之二十四

人物義行

十

所欲觀即令誦讀之至適意處仍擊節嘆艷之其待
族戚黨親無不溫厚和睦貧難者必周給之雖數至
終無吝吝色人以長者稱之壽七十八
微疾善逝鄉里咸以為厚德之効云

何翰

字西園太學生生而穎悟過人童時即不屑與群
兒伍長通經史入太學以父母春秋高諸弟妹勿
家故貧不得已棄舉子業以刑名參謀宰輔當代名
公卿爭禮聘焉性至孝尤篤友愛有妹早寡膳之撫
其孤以成人終身畧無倦意每遇人急難事必竭力
以濟一日途遇故人章某遭訟事攜女以鬻翰力勸
止即助之金且曰如不足再當勉勸幸毋為覆轍又
有友陸某者屆嚴冬父子將以饑寒斃翰聞之即解
衣以衣衣歸以告其家人更脫簪與飾給濟彌月俱
得以生蓋兩姓至今皆成聚族云年六十四卒子之
日遠新聞者

宗頌

吳瑛

睡庵為人淳謹事親孝生則承歡歿則朔望必
墓風雨寒暑不輟數十年如一日也事兄友

受白首無間言祖墓為人爭訟費五六千金不少吝
惜嘗有某負于餘金貧不能償疾革時延瑄入室伏
枕叩頭曰玉負若日且不暇矣瑄慨然曰是何言哉
遂出券焚之且厚贈棺殮之費其慷慨周急類此教
子以義方為州牧仁慈

郭紹尹

錢塘布衣性孝友推恩錫類居躬恂恂粥粥若
無能然樂善不倦見義必為雖不得志益望予

辜居常若邱孤寡拯危難和藥療病食飢衣寒育嬰
施棺掩骼凡利物事不可更僕數甲寅閩亂俘掠子
女哭聲震野動以百錢方得釋尹首捐貲且竭不給
乃遍請于縉紳巨宰得五萬餘幣以贖子女生還者
五千餘家故著如暨陽陳烈女未婚被掠將自剄尹
併歸其夫楊增光於家擇吉而合昏焉又松陽詹某
名士也其母及子女五人咸被掠尹出之分宅與居
瞻膏火養之歲餘貲送還鄉又黃巖黃嘉文婦為處
士蔡石桑女美姿色城墮殉節軍人憾之收縛其遺
子女尹用奇計救脫之年四十九歿歿之日國人聞

錢塘縣誌

卷之二十四

人物義行

十一

者無不流涕錢塘林璐為之傳四方士大夫高其品
重其義多為詩文詞賦以哀誄之彙為編梓人剞劂
之名曰嘉祥錄行世子五一泓為長寧令有政聲淇
壬子鄉薦第一激需次監州孫曾繩繩皆能讀書善

繼述

許頤齡

字友期太學生唐遠公後裔也幼而好學善屬
文而敏奇不偶又早失怙不得已遵母命投筆

為詐然之策以供救水歡母壽考終哀毀骨立戚黨
咸稱死孝焉長元早歿撫姪如已子教養婚娶為人
所難能嘗遇異人曰爾克盡人道尤當廣行善事授
以秘方種種頤不惜重貲製丹膏濟眾回不速效平
生喜交遊好藏書十大夫聞其風者爭結契敦戶外
屢常滿舉于六年五十四而終遠近來弔莫不流涕

恭號赴

八十年

論曰義之為用大矣有舍生之義有慷慨之義有廉

讓之義有施濟之義夫同秉陰陽以生戴乾履坤之所動豈知性命雖湯鑊斧鉞有蹈之而不悔者蓋有公卿大夫所不能爲詩說禮之士所不敢言而草野匹夫毅然赴之者其所性然也若夫廉讓推財可以化強暴好施周急可以勵風俗如必伯夷柳下惠而後能立頑起懦則世無善人矣故余錄義行而不遺一節者亦與人爲善之意也

錢塘縣知縣南樂魏源纂

武功

傳云有文事者必有武備顧兼之者鮮矣武功多出於危亂之世亦天挺其人以拯世之憂患者也大則見於衛社稷捍封疆小則見於保城邑護鄉里皆不可沒也錢塘自武肅奮起以來不乏偉人詩曰糾糾武夫公侯干城亦足見化行俗美人材衆多之效也

志武功

錢塘縣誌

卷之二十四

人物武功

漢

轅終古

元封元年冬從樓船將軍楊僕出武林擊東粵斬徇北將軍封禦兒侯

吳景

本吳人徙居是邑早失父母姊與孫堅為婚隨堅征伐拜騎都尉領丹陽太守合孫策兵共討涇縣山賊祖郎為劉繇所迫敗走景北依袁術術以為督軍中郎將與孫賁共討樊能于糜於橫江又擊笮融薛禮於秣陵時策被劉牛渚降賊復反景攻討盡擒之策遣景往壽春報術術以景為廣陵太守術借號又不納策言景委郡東歸策復以景為丹陽太守漢遣議郎王誦命南行表景為揚武將軍領部知故建安八年卒官其二子奮授兵為將軍新亭侯祺都亭侯

三吳

全琮

字子璜柔之子柔為桂陽太守嘗使琮賫米數千斛到吳市易琮中途給人空船而返柔大怒琮

首言曰所市非急而士大夫有倒懸之患故...
及報柔更奇之時中州士人避亂而南...
數宗領家給濟與共有無遂顯名遠近...
威校尉募名得精兵萬餘人出屯牛渚...
黃武元年魏舟軍大出洞口權使呂範...
敵數以輕舟抄擊琮擊破之梟其將...
將軍進封錢塘侯四年假節領九...
吳會山民為寇攻沒屬縣權分三郡...
琮領太守琮時治富春明賞罰格款...
餘人權名琮返牛渚罷東安郡黃龍...
左護軍徐州牧尚公主嘉禾二年督...
六安民皆散走諸將欲捕之琮曰分...
斗縱有所獲猶不足以弱敵如或...
不敢邀功以負國也赤烏九年遷...
琮身既親重子弟寵貴然謙...
虛接士貌無驕色十二年卒

陳

錢塘縣誌

卷之三十四

人物武功

二

杜稜

字雄盛少落魄不為時知頗涉書傳游嶺南事梁

廣州刺史蕭暎暎卒從陳武帝平蔡有功梁元帝
承制授石州刺史上陌縣侯侯景平武帝鎮朱方以
稜監義興瑯琊二郡齊師渡江攻臺城稜抗拒未嘗
解帶賊平以功除右衛將軍丹陽尹永定元年進侍
中中領軍武帝崩文帝在南皖時內無嫡嗣外有強
敵稜在都獨典禁兵乃與蔡景歷等秘不發喪奉迎
文帝文帝即位遷領軍將軍以預建立功改封永城
縣侯位丹陽尹廢帝即位加特進侍中右光祿大夫
稜歷事三帝並見恩寵卒贈開府儀同三司謚曰成
配饗武帝廟
庭子安世嗣

五代 吳越

薛溫

有勇力善騎射吳越王弘佐時為都頭統軍使相
進思恃迎立功干預政事弘信惡之與何承訓斤
昭券謀昭券以進思黨盛難制不如容之遂思詐
帥新兵戎服入見弘信叱之不退駭愕趨入

進思鎖其門矯稱王命傳位於弘叙而遷弘於錦軍弘叙遣温將親兵衛之精戒之曰若有非常處分皆非吾意爾以死拒之可也進思請殺弘叙王弘叙王不聞殺王無已必請而後可進思慮弘叙夜令人挾刀踰垣而入弘叙關戶大呼阻關之意率衆入立斃之庭中入告弘叙弘叙大驚曰是者汝之力也進思內憂懼疽發背死於位由是獲全温累官睦州刺史

鮑君福 字慶臣為錢氏相贈曰於王泉寺創今所稱鮑家田是也

劉漢宏繼歸錢據累從征伐有功能馬上輪雙劍入陣望之如飛電為衢州應援指揮使屬刺史陳章叛乃以淮帥命辟為郡職君福力拒不納伺守者醉奔歸尋刺衢州淮將周本守信州屢侵其境貞明四年君福從錢球攻信州斬其將呂師造擒偏將馮敏等本僅以身免元瓘領節辟為副便尋奏授刺史保順

錢塘縣志

卷之二十四

人物武功

三

軍節度使同平章事兼侍中晉天福五年卒年七十七謚忠壯子脩遜

成及 字洪濟咸通中捍山賊逐齊寇聲名遂振乾符間入都寢盛聞人字卒及代之遂以富春鎮稱靖江

都將劉漢宏作亂與鏐同討平之北關鎮將劉孟安謀亂即席奮劍將犯鏐及舉胡牀制之偏將盛造因

執孟安就戮以功奏遷散騎常侍復為靖江鎮光啓中潤州薛朗叛命及征之夏五月進圍常州克之尋

平潤州奏授兵部尚書充本州防禦副使潤州阮結卒命及代之累遷檢校司空尋為蘇州刺史乾寧

年淮人圍姑蘇常熟鎮將陸郢巡檢郭用等以城寇城陷及以禮見淮帥楊行密行密閱及府庫私室

皆藥物圖書而已由是重之至淮南辟為行軍司馬及拒之曰及以百口托于錢塘不幸城陷于叛以陸

于此豈宜以本道符竹援富貴于隣境乃引佩刀自刺行密遽止之因厚禮而歸累授鎮海節度副使在

授司徒至太傅天復中鏐遊衣錦軍使武勇都將士

治備淝軍中多怨言及請罷役不聽俄而作亂

聖北郭微服將入城及乃代乘鏐車行與賊聞
需入鏐性嚴急每有檢發亟加斬決或及至雖感
之為之釋其寵遇如此累奏授保大彰義等軍節度
度開府儀衛二司檢校太師兼侍中卒年六十七及
在開平中嘗避梁室廟
諱改姓戚今從其本姓

杜建徽

字延光少強勇不與諸昆弟類父稜為常州刺
史建徽代為武都將稜為淮人所逼建徽馳
赴之城已拔被執及稜歸自淮南建徽軍中嚴整無
改稜制稜甚稱之稜將沒散家財于諸子惟授建徽
一劍曰此吾歷任所乘者獨汝能傳之徐縮叛鏐于
杭焚掠城郭建徽自新城以本都之兵馳赴難因命
守禦縮等已攻內城聚木將焚北門建徽使以火鈎
取其木先焚之木不得聚賊計遂沮或勸鏐渡江保
會稽建徽曰事苟不濟同死于此必東渡亦售命于
賊耳鏐納之睦州刺史陳詢不受鏐命鏐以建徽與
詢姻婭疑之使馬綽伺其意建徽曰陳氏背義自貽
覆族建徽既姻婭固應見疑然累書諭之皇天后土

錢塘縣誌

卷之二十四

人物武功

四

苟或鑒察方明此心俄有睦吏降持建徽所遺詢書
至皆勸戒之詞鏐嘉嘆久之兄建思嘗譖其蓄兵伏
為異圖鏐使索之建徽方食使者直入臥內建徽食
不顧使者以聞鏐感悟益加殊待子孫昆弟朱紫車
馬盈門而性儉素導從不過數人財物輒散鄉里親
族每從征伐單衣入陣衆皆披靡軍中謂之虎子嘗
從鏐弟鏐救姑蘇與敵禦逼河梁斷鞭馬逕渡年高
不廢騎射嘗擊毬于廣場與酣有宿中箭鏃自臂中
飛出人皆壯之仕吳越歷四王檢校太師左丞
相以漢乾祐三年卒年八十八贈太師謚威烈

鮑脩遜

君福子寡言語總軍嚴肅累官上直指使衛
州刺史梁開運四年為戍將獲李儒賈于福州
儒賈叛脩遜殺之傳首錢塘周顯德三年脩遜從吳
程攻常州以應世宗之師至宋建隆元年知福州彰
武軍事後為上直諸軍都
銘轄使同叅丞相府事卒

曹圭

圭父信由歙歸杭為臨平鎮將圭之將生信夢人
謂已曰我當為爾子有二千石圭少有膽勇乾寧

中淮人圍嘉禾圭與其族人師魯守之淮人望氣者曰此雖孤域中有貴人不可圖也圭每與師魯登城樓張樂縱飲矢石交至視之晏如也嘉禾平圭以功授蘇州刺史開平中淮人復圍如蘇屬正小望夜師魯第盛陳燒燈之宴賊俘執者成縱觀之圭以浙西營田副使檢校太傅終于蘇州師魯形短小而多智鏐嘗稱曰今之晏嬰人因號為曹晏嬰云

阮結

字韜文黃巢亂杭人建入都練兵結為之副中和二年從吳越武肅王征越州劉漢宏有功奏授散騎常侍已而攻毘陵平京口晉秩戶部尚書潤州制置使加刑部徐約叛憂悸成疾而卒

曹仲達

圭之子本名弘達後避孝顯世子諱更今名仲達生于臨平當母坐蓐時室有紫光家人咸異之稍長圭欲其習勞品膳悉與奴隸等即嚴冬尚未挾纊又日令運甕以苦筋骨尋為鎮東軍押牙圭在蘇州嘗乞婚于睦州陳詢至是遣仲達親迎卜之曰陳非偶也當聘他族已而道過錢塘武肅王奇其貌

錢塘縣誌

卷之二十四

人物武功

五

遂以王妹儷焉累授台處二州刺史文穆王命仲達權知政事及建國拜丞相與沈崧皮光業同秉國鈞忠獻王即位仲達復攝行軍府事時賚諸軍軍中言賜予不均輒大譁舉仗不受賜諸將不復能制仲達親出階諭之辭旨曉暢皆釋仗而拜仲達性仁厚好施食不兼味文穆王雅重之每呼丞相而不名卒年六十二謚安成

宋

孫承祐

姊為吳越王弘俶妃因擢處要職累遷鎮海鎮東兩軍節度副使開寶初隨俶子惟濬入貢詔授光祿大夫檢校太保鎮海鎮東等軍行營司馬七年俶復遣承祐入貢詔俶以所部會攻常潤承祐從俶克毘陵功居多改中吳軍為平江軍授承祐節度平典國中俶來朝盡獻其地徙秦寧軍節度使從幸大名留知府事雍熙二年改知滑州卒年五十贈太子太師中使護葬子誘至駕部郎中出為淮南節度

陳九思

其先鄧州人本姓鐵始祖堅為永安和州以城
降明明太祖賜姓陳世襲杭州前衛百戶九思
長身偉幹有氣概初為博士弟子負萬曆十年襲父
職又以武科授臨觀把總由保舉陞吳淞參將以禦
倭功陞永平州副總兵歷真保薊津等處地方總兵
官所至有奇績在吳淞操小舟出沒三江間大盜竄
伏輒復禽獲倭勢披猖沿海亡命相為窟穴九思一
夕悉戮之轅門與倭戰殲之海上性慷慨好施與窮
交疎戚棄千金如唾後以病回籍萬曆時特旨召九
思先是九思家居火起以手障火火即滅而手遂廢
以病不赴有子爾琳為名諸生崇禎庚午黃道周
為考官賞其文已註誤得乙遂曰命也乃謝去

李繼堯

字汝唐號梅泉原籍縉雲太保貞肅公弟也自
幼警悟絕人年十四即食餼黌序遊學武林值

錢塘縣誌

卷之二十四

六

人物武功

楊應龍之叛時承平日久民不知兵選輒莫策繼堯
毅然投筆曰吾祖恭愨公巡撫西粵羣酋叛服靡常
猶計捕招徠今豈異時耶乃以儒生躬歷行間屢出
奇計奮勇先登著有勞績累官為粵東叅將一時競
稱其克繩祖武後謝職慕西湖名勝因家焉築凌虛
臺著書自號凌虛子子四省教省啟省敬省政皆登
仕版省啟宰淄川尤
多惠政後擢光祿丞

章斐然

字華甫邑學生屢試冠軍遊大同值試武請于
有司願入試矢矢相屬傍觀者駭曰是神臂將
軍也遂中直隸宣府武解元是年為天啟丁卯授密
雲縣中西二協副將統轄八路兵馬邊城倚為虎將
崇禎十一年九月密雲城危斐然以千騎死守不能
破是時明將亡用人多不得其當斐然卒不能大有
所建樹
而卒

毛文龍

字鎮南少落拓不治生事年三十餘走燕中不
遇又之遼左為海州軍官漸至都闕晉總兵未

幾加都督宮保襲錦衣衛指揮使
是文龍益自奮
勵築城脩樓櫓立火炮為守禦具
備在海上日
朝廷數千金餉不時發文龍上疏
脫使士伍一日
脫中而于臣雖萬死不能禁其如國事何廷議疑其
跋扈遂使袁崇煥為邊督陰令圖之崇煥乃為書招
文龍相見于近海岸一古寺攜手入幕中一勇士從
傍運鎚殺之部下諸將士皆散
朝廷知文龍枉死磔崇煥西市

國朝

姚士音

字伯玉性剛直重氣節 國初以平仙霞嶺功

授福建浦城都司順治八年隣縣山賊譙起士
音念浦城當閩浙孔道兵不滿百倘一失守浙東必
為騷動于是招募鄉勇千餘人諭以大義晝夜隄防
賊攻城者再親冒矢石敗賊三舍諸縣皆殘破而浦
城獨完嘗勦賊入營見難民纍纍嚴誡兵卒不許妄
殺按籍資糧俾之復歸有俘一儒士至者疑其非黨
詢之果西泠陸某因流寓被掠遂亟釋去後其子成

錢塘縣誌

卷之二十四

人物武功

七

進士訪父始

聞誦德不替

論曰自古戡亂以武致治以文故周武克殷放牛歸
馬之後示天下弗服之義而祭公謀父亦言先王耀
德不觀兵蓋武之文義取止戈不尚黷武也我

聖朝應天順人以有天下定鼎江浙兵不血刃民安物

以來國家太平不事兵革錢塘遂為人文之盛而

方風氣柔弱生民皆安於畝畝以自樂不習武勇

武功者唯吳越時聞有之今止一人而已豈非

聖天子之功德休養生息涵煦者深歟